



kal.komp.


59624

Mag. St. Dr.



Teodora 1744

Markiewicz for Andr. Amazon divinitor pro coele-
sti decertant patre -



AMAZON DIVINIOR

Pro Cælesti decertans Patria,

INCLYTA VIRGO

ET



MARTYR CATHARINA,

In Basilica Casimirienſi ad Cracoviam

Ordinis FF. Eremitarum

SANCTI AUGUSTINI,

Recurrente annuâ ſuæ Feſtivitatis Die

ſpectante Illuſtriſſima Magnorum Hoſpitu
Frequentia,

A

JOSEPHO ANDREA

HANKIEWIC,

Eloquentiæ Auditore in Alma Univerſitate Crac.

PROCLAMATA.

Anno Domini MDCCXXII.

Die, verò 25. Novembris.

CRACOVIAE, TYPIS UNIVERSITATIS.

In Stemma
ILLUSTRISSIMÆ
WODZICCIORUM DOMUS.



5962410

Æmula quòd Phæbi maneat WODZICCIA LUNA;
Illum STELLA nitens non sine luce præit,
Cornua bina sui rutilans extollit in altum;
Fama DOMUS ut sic crescat in Orbe Lechi.
Celsa Leo retinens, galeâ qui prostat Avitus,
Pro Patriæ curis excubat Axe datus,

PERILLVSTRI

&

REVERENDISSIMO

DOMINO.

D. MICHAELI

DE GRANOW

WODZICKI,

Ecclesiæ Cathedralis CANONICO, VICARIO
in Spiritualibus & OFFICIALI Generali Cra-
coviensi, CUSTODI Vislicienti, &c. &c.

Mecænati Amplissimo.



*N*ullibi vocalior potuit fieri AMA-
ZONIS. Invictissima fama. nulli-
bi Hæresum Triumphatricis magis pu-
blica evadere facta. Sacrationis Bellona
inclarescere Triumphis; quam ad Tui
MICHAELIS Tubam classicam, & si-
mul ad Gentilitia Sidera. Perillustris &
Reverendissime Domine. Certè Ejus rectefactorum merita
luci patebunt melius publica, si commissa Tua, si Eam Po-
lo-

lono hæcenus Orbi aliqua adumbrabat obscuritas. Tuorum Planetarum illustrabitur splendore, à Tuis Astris infallibilem sibi prognosim sumit; quòd licet in parvo opere, grandescet tamen, cui non Decrescens, sed Plenilunium Honorum Gentilitia indicat Luna. Nancisci gaudet VIRGO Hæc suæ gloriæ à Te incrementum, in Quo tenella ætas, Gyganteum animum, excelsas Virtutes nutriebat. Nōsti benè, quòd expediat interdum Natale solum negligere, ut sapientia inveniri possit. Quapropter ad eam acquirendam licet innatam Tibi habueris, ad Parisiensem properasti Sorbonam; ubi ad Gallica Lilia, ver omnigena explicuisti eruditionis, ut in florem Scientiarum, in Musarum & Sapientum Coronam excreveris. Ne ergò mens erudita ingeniumq; Tuum ignoraretur sublime, ad Caput Orbis Romam TE contulisti, ubi ad PETRI Petram Tuam solidius firmasti Sapientiam, adeò, ut cùm contra Te prævalere non potuerint, acuta oppugnantium ingenia, Victor laureatus in Capitolio Eruditorum evaseris. Nec etiam alibi Tuae virtutes & modesta pietas, quam Orbis Lechicus in Te hodie veneratur, digniorem mereri potuit laudum apotheosim, quàm in tot Sanctorum & Beatorum Patria. Et cùm extera Nationes multos plerumq; alienigenas reddunt à Virtutibus, Te illis effecerunt affinem & domesticum. Exotici Soles aliorum denigrant mores, Tuos expoliverunt ita, ut Magnatū Lechiæ allicerent ad se Oculos. Et pro Te hæc maxima nisi nota fuerat, quòd omnia gemmīs notanda gessisti. Proinde ut gemmeus moribus, imò potius gemma candoris & sinceritatis trinis Vavelli insertus extitisti Coronis, ubi Gentilitio CELSISSIMI LVBIIENII Episcopi Cracoviensis, DVCIS Severiæ Capiti, mens consiliorum & anima pene fueras. Quidquid enim de bono cogitavit publico, Tuò sapius exequabatur iudiciò Hoc oneratum ingentibus Diæcesanis curis exonerabas, eidem plerumq; ceu fesso Alcides Atlanti succurrendo. Iuremeritò à summis, æstimari mereris, Ipse animi Tui dotibus pracelsus, Sapientiā spectatissimus, ingentibus meritis in Rep: exploratus, dexteritate agendi conspicuus, authoritate gravissimus, Nominis integri-

gritate illibatus. Gestiunt ergo hæc Virtutes, quòd in tanto
 Herede & Possessore facta sint honoratiores. Tripudiat
 Sapientia, quòd magno Nomine Tuo decorata emineat
 & Tuo in favore aquè & in animo regnet. Exultat
 deniq; Iustitia, cuius in Areopago Sarmatiae in D. Themidis
 Sacrario Aristidem egisti. Si enim ipsa personam ageret
 Iustitia, non aliter legum sensus enodaret, non aliter ferret
 sententias, quàm Tu decernebas. Ita commisso Themidis
 utebaris acinace, ut licet ferires nemo tamen laesus, quia
 singuli à Te redibant redintegrati & restituti fortunis, ipsis nisi
 noxīs & scelerib; formidandus. Probatum sua in lance pon-
 dus Tui ingenij, adeò appretiauit & hucusq; appretiat Astrea,
 ut Te sui Vindicè in Areopago Cracoviensi non dedignata ado-
 rare. Ubi in componendis causis facillimus, in sedandis litibus
 dexterrimus, diligent legum vigilantia Zelosissimus Toti audi-
 ris Diacepsi. Velata hæc Dea cæteris, Tibi patet oculata, cum
 videat, quòd cuiq; suum præmium & jus sit tribuendum.
 Vitia & excessus rigida fugantur penà, ut rari jam vel nul-
 li reperiantur, sola innocentia, forum standi coram Te oc-
 cupat. Quis enim Te non iudicet recti Ideam, præcipuam
 probitatis regulam, imitandum omnibus virtutum exemplar.
 Iudicabunt postera secula Tuas virtutes, rectefacta merita,
 & iudicando mirabuntur humanum excedentia caput di-
 gna facinora: quia in Michæle penè Angelica. Unde eti-
 am SZANIAVIO tanta felicitate arrides AGNO, ut
 Ejus aurei velleris per Diacesim fortunatior Iason agnosca-
 ris. Ac proinde non indiges Majorum illustrari Ceris,
 Tuis meridianib; sat Clarissimus factis: siquidem his illi
 tantum inclarescere gaudent, quorum vita aut deformib;
 vitijs, aut inertè obfuscatur desidia. Sufficit Tibi ad glori-
 am Progenitores Tuos meminisse Illustrissimum LAVREN-
 TIVM de Granow WODZICKI, Pocillatorem Varsovien-
 sem, Qui Serenissimi olim IOANNIS III. REGIS POLO-
 NIARVM in rebus agendis potens Brachium, in providen-
 dis bonis Patriæ oculus, in amore cor alterum aut anima
 dicebatur. Muneri suo satisfaciens hæc tractabat, qua &

Regio Capiti ad delictum & Patria ad salutem condu-
cerent. Superbiunt hucusq; Templorum parietes, Divorum
ara prodiga WODZICII liberalitate & in mutis etiam
marmoribus immortalem famam promulgant. ANNA
Mater Tua Dilectissima ex ipso Nomine Una verior Cha-
ritum credi potuit, quæ ex ipsis cõalita videbatur esse gratijs.
Illi ornatus maximus & pretiosissimus, modesta probitas &
proba modestia, splendor præcipuus ab expolita morum inte-
gritate, jactantia non alia, nisi copiosa virtutum supellex.
Inops ergo Oratoris ad tantam probitatum munificentiam,
dicendi copia; vocalis siquidem auri & argenti, in largas
eleemosynas cultumq; Deorum erogati tinnitus, mutos pro
suis elogijs, eloquentissimos redderet Tullios. Accedunt in au-
gmentum WODZICIORVM DOMVS coruscanti LV-
NÆ mutuum Lumen communicantia, tot Illustrissima Or-
bis Poloni Sidera, de Przeremb PRZERMBSII, qui
Principibus in Primatibus eminent in Regno titulis, sum-
mis Senatorum in Castellanis attolluntur curulibus, in Capi-
taneis, Vexiliferis subjugatam sibi immortalitatis tenent glo-
riam. Gentilitio PRZERMBSIORVM Ensi hono-
rum militant Castra & omnia libertatis Polonæ decora Aviti
Pedis substernuntur calcaneo. Unum pro cunctis pagina
hæc loquitur Caput, meritorum in Patria ærarium, Virtu-
tum Compendium, Martialium decus gestorum, in exteris
linguis & peritia morum alterum Mithridatem, ILLV-
STRISSIMVM ac EXCELLENTISSIMVM
DOMINVM STEPHANVM in Przeremb PRZE-
REMBSKI S. Romani Imperij Comitem, Palatinatûs Sira-
diensis Conariensem Castellatum, Szydlowiensem, Pierzchni-
censem Capitaneum, quem nisi propria gravarent merita,
in altiores iret subsehorum gradus. Huic in vitæ sociam
cessit HELENA de Granow WODZICKA, Soror
Tua Dilectissima, Estimativissima, quæ ex ipso Nomine Im-
peratrix magnarum qualitatum & dotum censetur esse. De-
cuit profecto Illam non alio nisi STEPHANO scilicet,
hoc Diademate coronari. Non impar sue Tutelari virtutibus,
quad.

quidquid aggreditur agere, nihil non Imperatorium, nihil non corona dignum. Diem Vestrae accendunt Lunæ TAGOBORSII, qui in honorum radiant meridiæ. Sole clarioribus Orbi Lechico splendent meritis, eumq; heroicis illustrant rectefactorum radijs. Sed absit hos exigua coarctare paginâ, qui vastissimas merentur Panegyres & singuli evidens operibus suis elaborant elogium. Nec etiam uno momento valent circumscribi, qui tam multa sacula suis fatigant facinoribus. Crisim deinde non effugerem encomiastes, si in hanc gemmas importarem piscariam, quæ sat dives suarum virtutum eminet thesaurus: si Te Virum probitatum Ectypum, alienarum dorum depingerem coloribus. Advertimus adhuc omnem perfectionem in ILLVSTRISSIMO FRATRVM TVORVM TERNIONE, qui non noctem aut Eclipsim aliquam, sed meridiem purpureum sua præfagiunt LVNÆ: ILLVSTR: & MAGNIFICVS DOMINVS CASIMIRVS de Granow WODZICKI, POCILLATOR VARSAVIENSIS, intra Quem resident gentes & nulla natio illæ peregrina, cum omnes sibi per sui ingenij capacitatem fecit domesticas. Quanto verò studio ferveat in Patriæ obsequia, ex Ipsius munere colligendum, quam si aliquando sitibundam adverteret, eam suis in desiderijs defaecto non renueret refocillare, aut languentem suavi consiliorum Ambrosiâ reficere. Suspiciamus ILLVSTR: ac MAGNIFICVM DOMINVM IOANNEM de Granow WODZICKI, CAPITANEVM VSTIENSEM certè IOANNEM SLO Titulò Majorem, cui maxima etiam negotia peragenda videntur esse minima: nec Illi elogium ullum, sufficere potest, cuius merita in immensum extenduntur. Quid de ILLSTR: ac MAGNIFICO DOMINO PETRO de Granow WODZICKI POCILLATORE CRACOVIANSI Martios spirante ausus; COLONELLO EXERCITVVM REGNI censendum, cuius adamantinum pectus in ferreis tempestatibus

ex-

experta Libertas Patriæ; nunc verò commissam sibi moderatur cohortem & numerosa virtutum, prudentiæ, gravitatis, authoritatis ac morum conscribit Castra. Taceo hic Monasticum indicentes mihi Silentium BEATIORES VESTALES, de quibus publica sat loquitur fama, Germanas Sorores Tuas, alteram CONSTANTIAM sub REGULA FRANCISCI de SALES, quam etymon nominis Ideam Virtutum imò ipsam denotat Virtutem; alteram MARIAM CASIMIRAM, quæ è SERAPHICI FRANCISCI ignibus PHÆNIX SANCTIMONIÆ ad Nidum Æternitatis evolavit. Sed præterire nequeo FRANCISCAM, quam vita commendat innocentissima, & licet alijs ætate impar, equali in omnibus vestrum respondet morum venustate, formæ & Virtutum decore. Tot ergo & tanta dum Orbi prælucet Sarmatico LUMINARIA DOMVM VESTRAM facitis CÆLVM, in Quo TV uti MICHAEL MOTORICEM agis INTELLIGENTIAM. Ne verò & VIRGO VESTRO desit Illustrissimo Zodiaco, hanc in AMAZONE recipe CATHARINA, quæ ad TVA magis quàm ad Oratoria clarior fieri exambit LUMINA. Ipsa autem ut AMAZON INVICTISSIMA subjugatam fortunam, mancipatos Honores, tibi semper faciet ancillari. Insuper immortalis gloriæ rogos accendet triumphales. Ita precatur

Perillustris & Reverendissimi
Nominis Tui ac Honoris,

Profundissimus Cultor
& humillimus Servus.

Author Operis.



ORATIO.



Mmensa triumphalium DI-
VINISSIMÆ CATHA-
RINÆ gestorum magnitudo,
solutam coarctat & captivat
Eloquentiam. AA. Non enim
eò possunt aut ferri eruditæ
Rhetorum pennæ, aut pertin-

gere acuti Oratorum impetus, quò suam VIR-
GO hæc Sanctissima extendit dexteritatem. Ex-
cedere vitium sit in alijs, in sola CATHARINA
Virtus præstantissima; quæ non solum in terris
Asylum miserorum, afflictorum Propugnacu-
lum, infractum Christicolarum scutum, suorum
cultorum sese exhibet murum Aheneum; ve-
rùm etiam terras cum excesserit, in mari navi-
gantium felicior Cynosura, naufragantium Por-
tus, malignantium fluctuum scopulus, tempe-
statum summa adoratur malacia. Insuper ad
hujus Antesignanæ Classica conjurati veniunt
venti, & nutus CATHARINÆ eorum furori
frenum sunt, ac tenax anchora, adeò, ut Ele-
mentorum Domina credi possit. Tanta ergò
CATHARINÆ capacitas, remotas quamvis

Tulliorum Metaphoras redigit ad angustias,
cùm nullam similitudinem, aut proportionem
cum rebus habeat sublunaribus. Hæc incar-
nata puritas venustate corporis ipsis assimila-
ri potest Angelis; mentis & animi sublimitate,
Cælestibus coæquari Intelligentijs. Protenæ
abbreviantur Schinothenes, ubi nullâ circum-
scripta periodô verioris Palladis explicatur sa-
pientia, superbientis svadæ minuuntur Aux-
ses, quibûs cumulatam innumeris Virtutibûs,
evenit laudare Virginem. Prorsus Regina ani-
morum Facundia nunc agit CATHARINÆ
mancipium, quam Rota illius tantam evexit in
altitudinem, ut sphæram omnium excederet en-
comiorum. Hac Rotâ ceu Ixionis torquentur
humana ingenia, eruditorum capita ad illam
prius experiuntur vertiginem, antequam CA-
THARINAM intra rotundos commatum
concluderent ambitus. Nec immeritò, hic enim
Circulus, non tempore, sed tota æternitate,
mensuranda denotat CATHARINÆ merita. Si
deniq; quispiam acutiori stylô vellet formare
Panegyrim, hunc Ensis hebetat triumphatricis
CATHARINÆ, omne illi eripiens acumen.
Inermis nunc patet hastata Pallas, adstante ar-
mata Fortitudine CATHARINA, & non nisi
ante Illam legitur sterni in victimam. Et jam-
ne subjugata, CATHARINÆ Nomini non mi-
litabis Eloquentia? jamne sterilestet dicendi
Campus? minime, cùm Divinior Amazon Ora-
torio inducetur apparatus. Feras militanti Tuo
Nomini suppetias DIVINISSIMA CATHA-
RINA, & ut palmam reportem, porrigas auxi-
lia.

liatricem dexteram. Tu verò Auditor sapientissime, Tuum animum in benevolam attentionem, captivabis.

Conscribunt Heroum copias pro sua immunitate Vrbes, armatas numerant manus pro sua tutela Reges. AA. Induunt inquam sagis Præsidarios, ut ipsi præferant Togam. Lauri circumdant militum tempora, ut illis omne tempus floreat sub Olea pacis. Aggravant ferrò Cataphractorum lacertos, ut vel in mollioribus securius decumbant plumis vel suas cervices gravi servitutis exonerent jugò. Jam Muralis, Obsidionales, Navales, Civicas conferunt Coronas; modò tantum pro Muralibus sua immunitatis tuta reportent signa; pro Navalibus aut Fortunatas Insulas, aut portum pacatæ teneant felicitatis; pro Obsidionalibus amplior libertati pateat campus; pro Civicis verò exulent peregrina pericula, & solum domestica semper incolatum teneat securitas. Novimus perbellè pro decumbente Philippo, Antipatrem excubante, pro terrore Orbis, terrebat hostium audaciam, fidelis Ephestio, pro Pyrrho, armatò Eloquentiæ stylò decertabat Cyneas, pro Roma, nonne ceciderunt Camilli, Fabii, Decii? ut in Caput assurgeret Universi. Pro Carthagine opponebat Annibal dexteram, ut præponeretur, dexteritate cæteris. Pro Athenis unus Achilles, Dux, Ensis, & Exercitus. Trojanorum vires una Hectoris roborabat potentia. At pro immunitate Urbis in quadro positæ, quis ultricia movebit tela? pro Rege Regum, quis perduellionis vindex? quis iniquarum domitor

impetitionum? stetit hoc in casu invictissima
Amazon CATHARINA. Exerebat errorum
cervicem plusquam septiceps hydra, ut unum
Caput universale depressisset Ecclesiæ; verum
in Virgine hac Herculeas experta vires, totq;
adussit & obtruncavit capita, quot contempsit
& evertit impiorum Idola; tum vel maximè,
simulacra sentiebant se cadere debuisse, dum
CATHARINA prosterni ante illa renuisset;
tum temporis penitus abiçrunt in ruinam;
quando CATHARINA immota, ad venerati-
onem illorum stetit. Pluribus cultum Dijs me-
ruit exhibere; nè Uni Vero eundem derogaret.
Repudiavit Martem fictitium, ubi se se Domino
desponsaverat Exercituum. Turpem execrata
Venerem, cui venustior arrisit Innocentia.
Sicq; omnibus rebellis facta, uni Regi Regum
vixit fæderata. Sileat jactabundam terror Orbis
Alexander vanitatem, taceat evanidam gloriæ ja-
ctantiam, quòd contraimbelles quondam arma
moveret AMAZONES. Non convenit enim vi-
ctorum fronti decerpta ex impari Laurus. O
parcam sæculorum fæcunditatem! o temporum
erga mortales injuriam! o invidam Astrorum
terris Fortunam! si tunc tulissetis CATHA-
RINAM, cui Orbis resistere non poterat,
Hæc restitisset robustissima; Eamq; AMAZONEM
vincere, idem sibi duxisset, ac totum sub-
jugare, qua latè patet Orbem. Ingens siquidem
CATHARINÆ animus & intra terræ sphæram
claudi terminariq; haud valuit. Sed quàm facile
virtus adversatur sceleri, tam facile inter sce-
lestos invenit hostes. AMAZONIS CATHARI-
NÆ

NÆ Fortitudo, non jam Alexandrum magnum, sed maximum, quia Maximinum est nacta, Cælo & sibi adversarium, & totam in se conspirantem Alexandriam. Minimè tamen per hoc CATHARINÆ diminuta magnanimitas, imò irritavit quàm plurimos, ut populosiorem retulisset triumphum, utiq; quò labor est major, gloria major erit. Nullius penè est adamas pretij, qui ad unus mallei ictum in frustra dissolvitur. Ad bonæ spei, vel fortunatas Insulas provehitur oneraria navis, si non tantùm insurgentes procellas, sed allatrant Scyllas & Charybdes superaverit. Inter millena periculorum discrimina Hector promeruit famam: Hectora quis nosset, felix si Troja fuisset. Primam itaq; contra AMAZONEM hanc DIVINISSIMAM expedit Tyrannus illecebrarum legionem, demulcet illam blandò verborum susurrò, mellifluo sermone, voluptatum crepundijs, serenata fronte, ridente vultu; verùm ad tam mollia blandimenta magis ac magis obduruit CATHARINA. Novit perbelle mellitum nectar fel esse virtutibus, jucundo sermonis halitu candorem affici innocentiae. Non fæmineum hac in parte pectus, sed virile expertus Maximinus, nihil in CATHARINA muliebri, præter sexum invenit. Patuit exinde Achillis imperterritus animus, cor Leonidæ impavidum, pectus Annibalis infractum, robustissimæ Herculis vires, adeò, ut quidquid attributorum suis in Heroibus mirabatur antiquitas, hoc totum in una concentratum spectaret CATHARINA, & quidem gloriosius. Illi sanè pro evanida hæc im-

C

pen-

penderunt gloria; AMAZON verò SANCTISSIMA,
hīs pro æternitatis certabat corona. Hīc jam
prostrata jacet Maximini illecebrarum legio,
elusa versutiarum stratagemata; novam iterum
restaurat phalangem, aptiorem dolum & occul-
tiores struit insidias. Persuadet sibi etenim mu-
neribūs aurōq; munita propugnacula & invicta
expugnari fortalitia. Hīs ad animatum virtutum
propugnaculum CATHARINAM admovent
ballistas, hoc Sanctitatis Fortalitium dirui gravi-
ore intendit ariete, cū dominatrices Virgas,
purpurea paludamenta, aurō radiantia offert
Stephanomara. Putatis forsan AA. hīs captiva-
tum CATHARINÆ animum, in victimam se
Deæ Fortunæ dedicasse, auri sacram famem, ava-
ras ad sui acceptationem traxisse CATHARI-
NÆ manus. Sed absit tam levis de CATHA-
RINA opinio! non inermis contra Tyranni sese
opposuit tela. Pharetratus AMAZONIS amor,
magis Illam ad Cæleste Capitolium, quàm ad
sceptraferum Maximini Imperium invitavit.
Clypeata fortitudo illa aurea retundebat jacula,
galeatum mente integerrima caput ad aliud se
non inclinavit diadema, nisi ad felicitis æternitatis
inæstimabilem circulum. Non latuit enim verò
CATHARINAM, Imperatorijs virgīs mores
vapulare innocuos, sub rosea Reginarum Chla-
myde latitare spinas; quæ aut probitatum ex-
pungunt honestatem, aut lethali animam sauci-
ant vulnere. Ergo plaudere jam deberes Victrix
CATHARINA, jam jo occinere triumphale;
nisi potius AMAZON Sanctissima reformidandum
Tibi sit. En ecce intumescens Tyranni animus,
aspe-

aspera frons, inhorrescens vultus, turbidæ oculorum nubes, accensæ iræ, ipsa nonnisi portant fulmina. Induit Maximinus ferocem animum, vix non Acheronta movens, franget Te armata minis violentia, quam blandæ erexere illecebræ, extorquebit instructa verberibus crudelitas, quod non valuerunt præmia. Geminus itaq; cum Maximino CATHARINÆ conflictus, geminam victoriæ decerpfit palmam; Cui dum nulla spes se ipso restaurandi devictam aciem patet, nulla ars nullumq; stratagemma subjugandi AMAZONEM insuperabilem, conducit ex Orbe toto suppetias, conscribit electorum capita, ingeniosissimos colligit Athletas. Et bene: CATHARINÆ siquidem virtus toto Orbe divulgari meruit, nec unius Provinciæ valuerunt ejus merita terminari limitibus, quibus pro universali sudavit mortalium bono. In CATHARINA moles versabatur Universi, cum pro Fide & Cultu Divino ageretur. Ad sunt Orbis Ethnici Atlantes, comparent validi Sapientiâ Herodës: time, time CATHARINA, periculosa cum scelere virtuti concertatio, horrenda simplicitatis Christianæ cum mundi Sapientibus disputatio, metuenda cum Viris Fæminæ colloquia. Timendum Christicolis, Catholicæ formidandum Ecclesiæ, ne hîc spes Ejus procumbat in AMAZONE sacerrima; quæ cornutis petetur dilemmatibus, acutis perversæ sectæ impugnabitur conceptibus, captiosis ab astutis Sophistis vincetur argumentis, accedet in spoliū Tyranno & direptionem, cedit in rapinam & prædam carnificum. Sed aliter fa-

ctum est, triumphaturos Victores, victos ad-
vertite; ecce sapientissimīs CATHARINÆ
convicti rationibūs, implicati Gordijs perplexi-
tatum nodīs, in captivos se subijciunt & manci-
pia. Ringere, indignare acephala modò Hæ-
resis, quæ in tot Sapientibus caput & cerebrum
amifisti. O ingentem victoriam! o stupendum
triumphum bellatricis CATHARINÆ! quæ
multò plura devastavit Delubra, evertit dedola-
ta Numina, sacrilegas sectarum confutavit &
annihilavit victimas, quàm quot subtraxit eis
defensores in quinquaginta Sapientibus. Tace-
ant Oratorum Cathedræ cum suis torquibus
Gallicanos Hercules, quibūs in sui affectus mor-
talium protrahebant corda; taceant cum suo
dicendi acumine Cyneas, quò Pyrrhi suæ pote-
stati subjugabant Provincias; sileant cum rosis
Hortensios, mellitos Demosthenes, qui volu-
ptatem Auditorum ingerebant pectori. Longè
convenientius hæc victrici tribuere possumus
CATHARINÆ, quæ ducentos cum Porphi-
rio milites suæ Facundiæ stylò æternitatis inscri-
psit fastis. Totum enim id, quidquid vniuersi
habent Lycæa, quidquid Sapientum valent acu-
mina, in hac veriore Pallade est legendum;
imò nec in terris id inveniri potest, quod in
CATHARINA æterna deposuerat Sapientia.
Sed parum est solos Bellatores, aut Duces mili-
tare CATHARINÆ. Nomini: nisi etiam &
Imperatrices suas conscribat ad copias, ad quas
convocavit Augustam, ut vel Ejus facinorum
dilataretur augustius fama, vel ut manifestet,
Mundi Dominas probitatibus debere ancillari.
Spe-

Spectate tamen inconstantis sortis vicissitudines
& vertumnum temporis statum, quô vix capti-
vamus alios, nos ipsi deinde captivamur; vix
in spoliis & prædam victores victos ducimus,
mox ducimur victi: modò victoriosum pæ-
na canimus; nunc inter tristes lamentamur Næ-
nias. Luge tuam infelicitatem tota Christia-
nitas, tua Tutelaris, infractum Columen, tua
penè Anima damnatur ad carceres; plora
quamvis exoculata Fides Catholica, tuæ frontis
pupilla ad tenebras conijcitur; minimè tamen
desperate. Utique Soli non obsunt nebulæ, nec
luci tenebræ adimunt quidquam; etiam CA-
THARINA lux vestra sereniores Vobis post
carcerum umbras accendit dies. Non enim
aliter AMAZONEM sese alteram exhibere po-
tuit, nisi ad obsidionales excubias. Quod ma-
ximum, ne incruentum esset hujus Sacrationis
Bellonæ prælium, ad Virgas, cædem, verbera
Tyranni rabies destinat Eam; Cui quot inflixit
vulnera, tot portas aperuit triumphales, effu-
susque è lacerato corpore sanguis ad majores
animavit ausus. Paret Maximinus tormenta,
expediat catapultas, non deterrebit Civem hanc
SANCTISSIMAM à Cælesti Patria. Hæc terricu-
lamenta contristare possunt AMAZONIS non
vincere aut superare animum; hæc appa-
menta sunt ad insigniorem invictæ hujus Vir-
ginis triumphum. O dignam Ixionis rotæ
Tyranni crudelitatem! quæ suppliciali rotæ ad-
dicat CATHARINAM. Et bene, tantæ
Triumphatrici currus debebatur triumphalis,
quô Ejus fama per totum Orbem veheretur.

D

Non

Non aberrâsti Tyranni impietas, ejusmodi circulo inferenda fuerat Hæc Bellatrix strenuissima, ne ab immortalitatis deviasset termino. Nullo certè aliò Ejus valent comprehendi merita nisi hoc æternitatis symbolò. Non invicendi hîc Cæsari Antonio Aureliano currus eburnei, quibûs ad Romanum invehebatur Capitolium; AMAZON pro Cælesti decertans Patria hoc vehiculo ad Empyreum inducenda fuerat Capitolium. Et certè cum Corpore importaretur ad Astra Angelorum manibûs, nisi illos suorum meritorum pondere gravaret. Unde tantum in excelso Sinai monte Clarissimo Victorijs funeri parentat Cælum, ut vel exinde prospiciat Christianitatis commodis, vel vigiles peragat excubias, nè in Illam adversæ Hærelis irruat hostilitas. Cum verò non disparem sibi in Sapientiæ & Virtutum heroicis Actibus advertit Sacerrimam Augustini Militiam, perpetuò hîc locavit inscripsitq; stativa. Nec immeritò, non ignorabat etenim è Divinissimi Doctoris flagrante corde, rogos sibi perpetuò accendi triumphales, & ex singulis Vestrûm Patres Religiosissimi animata erigi trophæa. Quotquot hîc numerantur Viri, tot infracti pro Fide Heroës, errorum Profligatores, Domitores Hæresum, Eradicatores sectarum. Quoties enim acutis Argumentorum telis, Ecclesiæ impetunt Hostes, toties eos vel captivant militanti, vel sic in acie relinquunt saucios, ut nunquam amplius rebelle possint erigere caput. Sed quæ Oratorum incisa Hujus Sanctissimi Ordinis comprehendent integritatem, quæ Rhetorum periodo

di

di Ejus Virtutum concludent copiam? quæ
narrationes explicabunt merita? nullæ penitus
nullæ. Ea enim peragunt in vita, quæ mor-
taliū excedunt mentis capacitatem, & Cæle-
stibus penè cœquantur. Debet Petri Cym-
ba perpetuum & triumphale celeusma non mi-
nus CATHARINÆ, quàm Hujus Sacræ Fa-
miliæ Navarchis vigilantissimis, quòd felicitis tran-
quillitatis hucusq; teneat portum. Debebit Ti-
bi AMAZON Sanctissima, & Tota triumphum
Polonia, si Ei Virtutū Sanctarum Fortalitium tri-
bues munimen & securitatem, si Regnum hoc
aut Pacis olea aut victricibûs Laureis coronabis.

Sub quibus à quovis infortuniorum fulmi-
ne maneat tutum. Si deniq; Cives & Pro-
ceres hujus Patriæ prospicies gratiosè in
qua ego Te AMAZONEM pro cælesti

Patria decertantem hebetis

ingenij stylô exaravi &


D I X I.



101
 102
 103
 104
 105
 106
 107
 108
 109
 110
 111
 112
 113
 114
 115
 116
 117
 118
 119
 120
 121
 122
 123
 124
 125
 126
 127
 128
 129
 130
 131
 132
 133
 134
 135
 136
 137
 138
 139
 140
 141
 142
 143
 144
 145
 146
 147
 148
 149
 150
 151
 152
 153
 154
 155
 156
 157
 158
 159
 160
 161
 162
 163
 164
 165
 166
 167
 168
 169
 170
 171
 172
 173
 174
 175
 176
 177
 178
 179
 180
 181
 182
 183
 184
 185
 186
 187
 188
 189
 190
 191
 192
 193
 194
 195
 196
 197
 198
 199
 200
 201
 202
 203
 204
 205
 206
 207
 208
 209
 210
 211
 212
 213
 214
 215
 216
 217
 218
 219
 220
 221
 222
 223
 224
 225
 226
 227
 228
 229
 230
 231
 232
 233
 234
 235
 236
 237
 238
 239
 240
 241
 242
 243
 244
 245
 246
 247
 248
 249
 250
 251
 252
 253
 254
 255
 256
 257
 258
 259
 260
 261
 262
 263
 264
 265
 266
 267
 268
 269
 270
 271
 272
 273
 274
 275
 276
 277
 278
 279
 280
 281
 282
 283
 284
 285
 286
 287
 288
 289
 290
 291
 292
 293
 294
 295
 296
 297
 298
 299
 300
 301
 302
 303
 304
 305
 306
 307
 308
 309
 310
 311
 312
 313
 314
 315
 316
 317
 318
 319
 320
 321
 322
 323
 324
 325
 326
 327
 328
 329
 330
 331
 332
 333
 334
 335
 336
 337
 338
 339
 340
 341
 342
 343
 344
 345
 346
 347
 348
 349
 350
 351
 352
 353
 354
 355
 356
 357
 358
 359
 360
 361
 362
 363
 364
 365
 366
 367
 368
 369
 370
 371
 372
 373
 374
 375
 376
 377
 378
 379
 380
 381
 382
 383
 384
 385
 386
 387
 388
 389
 390
 391
 392
 393
 394
 395
 396
 397
 398
 399
 400
 401
 402
 403
 404
 405
 406
 407
 408
 409
 410
 411
 412
 413
 414
 415
 416
 417
 418
 419
 420
 421
 422
 423
 424
 425
 426
 427
 428
 429
 430
 431
 432
 433
 434
 435
 436
 437
 438
 439
 440
 441
 442
 443
 444
 445
 446
 447
 448
 449
 450
 451
 452
 453
 454
 455
 456
 457
 458
 459
 460
 461
 462
 463
 464
 465
 466
 467
 468
 469
 470
 471
 472
 473
 474
 475
 476
 477
 478
 479
 480
 481
 482
 483
 484
 485
 486
 487
 488
 489
 490
 491
 492
 493
 494
 495
 496
 497
 498
 499
 500
 501
 502
 503
 504
 505
 506
 507
 508
 509
 510
 511
 512
 513
 514
 515
 516
 517
 518
 519
 520
 521
 522
 523
 524
 525
 526
 527
 528
 529
 530
 531
 532
 533
 534
 535
 536
 537
 538
 539
 540
 541
 542
 543
 544
 545
 546
 547
 548
 549
 550
 551
 552
 553
 554
 555
 556
 557
 558
 559
 560
 561
 562
 563
 564
 565
 566
 567
 568
 569
 570
 571
 572
 573
 574
 575
 576
 577
 578
 579
 580
 581
 582
 583
 584
 585
 586
 587
 588
 589
 590
 591
 592
 593
 594
 595
 596
 597
 598
 599
 600
 601
 602
 603
 604
 605
 606
 607
 608
 609
 610
 611
 612



Biblioteka Jagiellońska



stdr0026829

